

Namo tassa bhagavato arahato sammāsambuddhassa

## Jinālaṅkāra

### Paṇāmadīpanīgāthā

1. Yo lokatthāya buddho dhanasutabhariyāaṅgajīve cajitvā pūretvā āramiyo tidasamanupame bodhipakkhīyadhamme,  
Patvā bodhiṃ visuddhaṃ sakalaguṇadadaṃ seṭṭhabhūto tiloke,  
Katvā dukkhassa antaṃ katasubhajanataṃ dukkhato mocayittha.
2. Natvānāhaṃ jinantaṃ samupacitasubhaṃ sabbalokekabandhuṃ,  
Nāhu yenapi tulyo kusalamahimato uttamo bhūtaloke tassevāyaṃ uvimhaṃ  
suvipulamamalaṃ bodhisambhārabhūtaṃ,  
Hetuṃ hetvānurūpaṃ sugatagataphalaṃ bhāsato me suṇātha.

### Yogāvacarasampattidīpanīgāthā

3. Jāto yo navame khaṇe sutadharo sīlena suddhindriyo saṃsāraṃ ayato bhavakkayakaraṃ  
disvā sivaṃ khemato,  
Taṃ sampāpakamaggadesakamuniṃ sampūjayanto tato uddhānussatibhāvanādikamato  
sampādaye taṃ sivaṃ.

### Vatthuvisodhanīgāthā

4. Buddhoti ko buddhaguṇo ti ko so,  
Acintayādittamupāgato yo;  
Anaññasādhāraṇabhūtamattaṃ,  
Akāsi kiṃ so kimavoca buddho.
5. Visuddhakhandhasantāno buddhoti niyamo kato,  
Khandhasantānasuddhī tu guṇoti niyamo kato.
6. Akāsi kiccāni dinesu pañca,  
Pasādayañciddhibalena sena;  
Janānasesaṃ cariyānukūlaṃ,  
Ñatvānavocānusayappahānaṃ.

### Anaññasādhāraṇadīpanīgāthā

7. Abbhuggatā yassa guṇā anantā,  
Tibuddhakhettekadvākaroti;  
Jānāti so lokamimaṃ parañca,  
Sacetanañceva acetanañca;  
Sakassa santānagataṃ paresaṃ,  
Byatītamappattakamatrabhūtaṃ.
8. Anantasattesu ca lokadhātusu,  
Ekova sabbepi samā na tena;  
Disāsu pubbādisu cakkavāḷā,  
Sahassasaṅkhāyapi appameyyā;  
Ye tesu devā manujā ca brahmā,

Ekattha saṅgama hi mantayantā.

9. Anādikālāgatanāmarūpinam,  
Yathāsakaṃ hetuphalattavuttinam;  
Tabbhāvabhāvittamasambhuṇantā,  
Nānavipallāsamanupaviṭṭhā.
10. Kammappavattiṅca phalappavattiṃ,  
Ekattanānattanirīhadhammatam;  
Viññattisantānaghanena channato,  
Sivañjasaṃ no bhaṇitum samatthā.
11. Eko va so santikaro pabhaṅkaro,  
Saṅkhāya ñeyyāni asesitāni;  
Tesaṅhi majjhe paramāsambhīvadam,  
Sivañjasaṃ dīpayitum samattho.
12. So gotamo sakyasuto munindo,  
Sabbassa lokassa padīpabhūto;  
Anantasatte bhavabandhanamhā,  
Mocesi kāruṅṅaphalānupekkhī.

## Abhinīhāradīpanīgāthā

13. Vadetha tassīdha anappakaṃ guṇam,  
Na tena tulyo paramo ca vijjati;  
Kiṃ taṃ guṇam taṃ sadisena dinnam,  
Sayamkatam kinnu adhiccaladdham.
14. Nādhiccaladdham na ca pubbabuddhā,  
Brahmādinam sammutiyā bahūnam;  
Sayamkateneva anopamena,  
Dānādinā laddhamidaṃ vipākaṃ.
15. Ito catunnam asankhiyānam,  
Sataṃsahassānadhikānamatthake;  
Kappe atītamhi sumedhatāpaso,  
Vehāyasaṃ gacchati iddhiyā tadā.
16. Dipaṅkaro nāma jino sasāṅgho,  
Rammaṃ puram yāti virocamaṇo;  
Manussadevehibhipūjyānto,  
Sahassaraṃsi viya bhāṇumā nabhe.
17. Tassañjasaṃ kātubahussahānam,  
Buddhoti sutvā sumano patīto;  
Mamajja deham panimassa datvā,  
Buddho aham hessamanāgatediso.
18. Tasmiñjase kandaratamhi paṅke,  
Katvāna setum sayi so sadeham;  
Buddho ayaṃ gacchatu piṭṭhiyā mamaṃ,  
Bodhissace hessati me anāgate.
19. Ussāsakaṃ yāti jino hi tassa,

Ajjhāsayo sījjhatimassanāgate;  
 Ñatvāna byākāsi asesato hi,  
 Buddho ayaṃ hessatināgatesu.

20. Sutvāna patto va mahābhisekaṃ,  
 Laddhaṃ va bodhiṃ samanussaranto;  
 Pūjetvā yāte munidevamānuse,  
 Uṭṭhāya so sammasi pāramī dasa.
21. Daḷhaṃ gahetvā samatiṃsapāramī,  
 Sikkhattayañcassa jinassa santike;  
 Kātuṃ samattho pi bhavassa pāraṃ,  
 Sattesu kāruññabalā bhavaṃ gato.
22. Uppannuppanake so jinavaramatule pūjayitvā asesam buddho eso hi oso bhavati  
 niyamato byākato tehi tehi tesam tesam jinānaṃ acanamanupamaṃ pūjayitvā sirena,  
 Taṃ taṃ dukkhaṃ sahitvā sakalaguṇadadaṃ pāramī pūrayittha.

## Bodhisambhāradīpanīgāthā

23. So dukkhakhinnajanadassanadukkhakhinno,  
 Kāruññameva janatāya akāsi niccaṃ;  
 Tesam hi mocanamupāyamidanti ñatvā,  
 Tādīparādhamapi attani ropayī so.
24. Dānādinekavarapāramisāgaresu,  
 Ogāḷhatāyapi paduṭṭhajanena dinnaṃ;  
 Dukkhaṃ tathā atimahantatarampi kiñci,  
 Nāññāsi sattahitameva gavesayanto.
25. Chetvāna sīsaṃ hi sakaṃ dadanto,  
 Maṃsaṃ pacitvāna sakaṃ dadanto;  
 So cattagatto pañidhānakāle,  
 Duṭṭhassa kiṃ dussati chedanena.
26. Evaṃ anantamapi jātisatesu dukkhaṃ,  
 Patvāna sattahitameva gavesayanto;  
 Dīpaṅkare gahitasīlasamādhipaññaṃ,  
 Pālesi yāva sakabodhitale suniṭṭho.
27. Yadābhinihāramakā sumedho,  
 Yadā ca maddiṃ adadā sivindo;  
 Etthantare jātisu kiñcipekaṃ,  
 Nīratthakaṃ no agamāsi tassa.
28. Mahāsamudde jalabindutopi,  
 Tadantre jāti anappakā va;  
 Nirantaraṃ pūritapāramīnaṃ,  
 Kathaṃ pamāṇaṃ upamā kuhiṃ vā.
29. Yo maggapasse madhurambabījaṃ,  
 Chāyāphalattthāya mahājanānaṃ;  
 Ropesi tasmīṃ hi khaṇeva tena,  
 Chāyāphale puññamaladdhamuddhaṃ.

30. Tatheva saṃsārapathe janānaṃ,  
Hitāya attanamabhiropitakkhaṇe;  
Siddhaṃ va puññūpari tassa tasmim,  
Dhanaṅgajīvaṃ pi haranti ye ye.
31. So sāgare jaladhikaṃ ruhiraṃ adāsi,  
Bhūmāparājiya samamsamadāsi dānaṃ;  
Meruppamāṇamadhikañca samoḷisīsaṃ,  
Khe tārakādhikataraṃ nayanam adāsi.

## Gabbhokkantidīpanīgāthā

32. Gambhīrapānadānādisāgaresu hi thāmasā;  
Taranto maddidānena niṭṭhāpetvāna pāramī.
33. Vasanto tusīte kāye bodhiparipākamāgamma;  
Āyācanāya ca devānaṃ mātugabbhamupāgami.
34. Sato ca sampajāno ca mātukucchimhi okkami;  
Tassa okkantiyaṃ sabbā dasasahassī pakampittha.
35. Tato pubbanimittāni dvattiṃsāni tadā siyuṃ;  
Tuṭṭhahaṭṭhā va sā mātā puttaṃ passati kucchiyaṃ.

## Vijāyanamaṅgaladīpanīgāthā

36. Sā puñṇagabbhā dasamāsato paraṃ,  
Gantvāna phullaṃ varalumbinīvanaṃ;  
Ṭhitā gahetvā varasālasākhaṃ,  
Vijāyi taṃ puttavaraṃ sukhena.
37. Tadā sahasśīdalokadhātusu,  
Devā ca nāgā asurā ca yakkhā;  
Nānādisā maṅgalacakkavāḷaṃ,  
Sumaṅgalaṃ maṅgalamāgamimṃsu.
38. Anekasākhañca sahasśamaṅgalaṃ,  
Chattaṃ marū dhārayumantalikkhe;  
Suvaṇṇadaṇḍā vipatanti cāmarā,  
Khajjimṃsu bherī ca nadiṃsu saṅkhā.
39. Malenakenāpi anūpalitto,  
Ṭhito va pādāni pasārayanto;  
Kathī va dhammāsanatotaranto,  
Jāto yathādiccavaro nabhamhā.
40. Khīṇāsavā brahmagaṇopagantvā,  
Suvaṇṇajālena paṭiggahesum;  
Tato ca devājīnacammakena,  
Tato dukūlena ca taṃ manussā.
41. Tesam pi hatthā varabhūmiyaṃ ṭhito,  
Disā vilokesī sabbā samantato;  
Vadiṃsu devā pi ca brahmakāyikā,

Tayā samo katthaci natthi uttaro.

42. Gantvāna uttaraṃ satta padavārehi vikkamo,  
Sīhanādaṃ nadī tesāṃ devatānaṃ hi sāvayaṃ.
43. Tato puttaṃ gahetvāna gatā mātā sakaṅgharaṃ,  
Mātā sattamiyaṃ gantvā deaputtattamāgami.
44. Te brahmaṇā pañcamiyaṃ subhuttā,  
Nāmaṃ gahetuṃ varalakkhaṇāni;  
Disvāna ekaṅgulimukkhipiṃsu,  
Buddho ayaṃ hessati vītarāgo.
45. Jiṇṇaṅca disvā byādhikaṃ mataṅca,  
Avhāyitaṃ pabbajitaṅca disvā;  
Ohāya pabbajjamupeti kāme,  
Buddho ayaṃ hessati vītarāgo.

### Agāriyasampattidīpanīgāthā

46. Kālakkamena cando va vaḍḍhanto vaḍḍhite kule,  
Puññodayenuvento so bhāṇumā viya ambare.
47. Siddhathako hi siddhattho laddhā deviya yasodharaṃ,  
Cattālīsasahasseehi pūritthīhi purakkhito.
48. Rammasurammasubhesu gharesu,  
Tiṇṇamutūnamanucchavikesu;  
Dibbasukhaṃ viya bhuñji sukhaṃ so,  
Acchariyabbhutarājavibhūtiṃ.

### Nekkhammajjhāsayaḍīpanīyamakagāthā

Namo tassa yato mahimato yassa tamo na

49. Disvā nimittāni madacchidāni,  
Thīnaṃ virūpāni ratacchidāni;  
Pāpāni kammāni sukhacchidāni,  
Laddhāni ñāṇāni bhavacchidāni.
50. Padittagehā viya bheravaṃ ravaṃ,  
Ravaṃ sammutṭhāya gato mahesi;  
Mahesimolokiyaputtamattano,  
Tanosi no pemamahoghamattano.
51. Ummāraummāragatuddharitvā,  
Padaṃ padaṃ yātanarāsabhassa;  
Alaṃ alaṃkāratarena gantuṃ,  
Matī matīvetimanaṅgabhāṅge.
52. Ummāraummāragato mahesi,  
Anaṅgabhaṅgaṃ samacintayittha;  
Kiṃ me jarāmaccumukhe ṭhitassa,  
Na me vase kāmavase ṭhitassa.

53. Kāmena kāmena na sādhyamokkhaṃ,  
Mānena mānena mamatthi kiñci;  
Māro saseno hi avāraṇīyo,  
Yantena ucchuṃ viya maddatī maṃ.
54. Ādittamuyātapayātamūnaṃ,  
Atāṇāleṇāsaraṇe jane te;  
Disvāna disvāna sivaṃ mayā te,  
Kāmena kāmena kathaṃ vineyya.
55. Vijjāvijjāya cutaṅcupetaṃ,  
Asārasārūpagatañjanaṃ janam;  
Vijjāvijjāya yuto cutohaṃ,  
Pahomi tāretumasaṅgaho gato.
56. Magganti no diṭṭhigatāpavaggaṃ,  
Aggā ti tevāhu janā samaggā;  
Naggaṃ aho mohatamassa vaggam,  
Vaggaṃ hanissāmi tamaggamaggā.
57. Paseyhakārena aseyyhadukkhaṃ,  
Janā janentīha janānameva;  
Paseyhakārenā aseyyhadukkhaṃ,  
Pāpaṃ na jānanti tato nidānaṃ.
58. Te oghayogāsavasamaṅkilesā,  
Tameva nāsenti tato samuṭṭhitā;  
Ekantikaṃ jāti jarā ca maccu,  
Nirantaraṃ taṃ byasanañcanekaṃ.
59. Cīraṃ kilesānasamujjalantaṃ,  
Disvāna sattānusayaṃ sayambhū;  
Sādhemi bodhiṃ vinayāmi satte,  
Pacchāpi passāmi sutam sutantaṃ.
60. Taṃ dibbacakkaṃ khuracakkamālaṃ,  
Rajjaṃ sasārajjasamajjamajjaṃ;  
Te bandhavā bandhanamāgatā pare,  
Suto pasūtoyamaṅgadūto.
61. Samujjalantaṃ vasatī satīsiri,  
Sirīsapāgāramidaṃ mahāvisaṃ;  
Daddallamānā yuvatī vatīmā,  
Sakaṅtakāyeva samañjasañjase.
62. Yassā virājjitasirī siriyāpi natthi,  
Tassāvalokiya na tittivasānamatthi;  
Gacchāmi handa tavanaṅga sirappabhedam,  
Mattebhakumbhupari sīhaviḷāsagāmiṃ.
63. Bho bho anaṅgasucira pi panuṅṅabāṇa,  
Bāṇāni saṃhara panuṅṅamito nirodha;  
Rodhena cāpadagato manaso na soca,  
Socaṃ tavappanavalokiya yāmi santiṃ.

64. Ratī ratī kāmagaṇe viveke,  
Alaṃ alanteva vicintayanto;  
Manaṃ manaṅgālayasampadālayaṃ,  
Tahiṃ tahiṃ diṭṭhabālā va pakkami.

## Pāduddhāravimhayadīpanīgāthā

65. Yāvañcayaṃ ravi caratyacalena ruddhe,  
Yāvañca cakkaratanañca payāti loke;  
Tāvissaro nabhacaro jitacāturato,  
Hitvā kathaṃ nu padamuddhari so nirāso.
66. Dīpe mahā ca caturādhikadvesahashe,  
Tatrāpi seṭṭhabhajitaṃ varajambudīpaṃ;  
Bhūnābhikaṃ kapilavatthupuraṃ surammaṃ,  
Hitvā kathaṃ nu padamuddhari so nirāso.
67. Ñātīnasīti kulato hi sahassa sākye,  
Hatthissadhaññadhanino vijitārisaṅghe;  
Gottena gotamabhavaṃ pītaṅjanaggaṃ,  
Hitvā kathaṃ nu padamuddhari so nirāso.
68. Rammaṃ surammavasatiṃ ratanujjalantaṃ,  
Gimhepi vimhayakaraṃ suramandirābhaṃ;  
Ussāpitaddhajapaṭākasitātapattaṃ,  
Hitvā kathaṃ nu padamuddhari so nirāso.
69. Sapokkharā pokkharāṇī catasso,  
Supupphitā mandirato samantā;  
Kokā nadantūpari kokanāde,  
Hitvā kathaṃ nu padamuddhari so nirāso.
70. Sare saroje ruditāḷipāḷi,  
Samantato passati pañjarañjasā;  
Disvāravindāni mukhāravindaṃ  
Nāthassa lajjā viya saṃkujanti.
71. Madhurā madhurābhirutā,  
Caritā padume padumeḷigaṇā;  
Vasatiṃ adhunā madhunā,  
Akaruṃ jahitaṃ kimidaṃ patinā.
72. Tamhā rasaṃ madhukarā bhavanaṃ haritvā,  
Ninnādino samadhuraṃ madhuraṃ karonti;  
Nādena nādamatiriccupavīṇayanti,  
Naccanti tā surapure vaṇitā va tāva.
73. Sañcoditā pīṇapayodharādharā,  
Virājītānaṅgajamekhalākhalā;  
Suraṅgaṇā vaṅgajaphassadā sadā,  
Ramā ramāpentī varaṅgadāgadā.
74. Karātīrattā ratīrattarāmā,  
Tāḷenti tāḷāvacare samantā;  
Naccuggatānekasahassahatthā,

Sakkopi kiṃ sakyasamoti codayum.

75. Visālanettā hasulā sumajjhā,  
Nimbatthanī vimhayagītasaddā;  
Alaṅkatā malladharā suvatthā,  
Naccanti tāḷāvacarehi ghuṭṭhā.
76. Yāsaṃ hi loke upamā natthi,  
Tāsaṃ hi phassesu kathāvakāsā;  
Taṃ tādisaṃ kāmaratiṃnubhonto,  
Hitvā kathaṃ nu padamuddhari so nirāso.
77. Pādepāde valayaviravāmekhalāvīṇānādā,  
Gītaṃgītaṃ patiratikaraṃ gāyatī gāyatī sā;  
Hatthehatthe valayacalitā sambhamaṃ sambhamanti,  
Disvādisvā iti ratikaraṃ yāti hāhā kimīhā.

## Apunarāvattigamanadīpanīyamakagāthā

78. Anantakālopacitena tena,  
Puññaena nibbattavimānāyāne;  
Tasmiṃ dine jātasutaṃ pajāpatiṃ,  
Hitvā gato so sugato gato va.
79. Taṃ jīvamānaṃ pitarāṅca mātaraṃ,  
Te ñātake tādisiyo ca itthiyo;  
Te tādise rammakare nikete,  
Hitvā gato so sugato gato va.
80. Khomaṅca pattuṇṇadukūlacīnaṃ,  
Sakāsikaṃ sādhusugandhavāsitaṃ;  
Nivāsito sobhati vāsavo va,  
Hitvā gato so sugato gato va.
81. Vidhippakāsā nidhiyo catasso,  
Samuggatā bhūdadharā vasundharā;  
Sattāvasattāvasudhā sudhāsā,  
Hitvā gato so sugato gato va.
82. Suvaṇṇathāle satarājike subhe,  
Sādhuṃ sugandhaṃ sucisālibhojanaṃ;  
Bhutvā savāsīhi vilāsinīhi,  
Hitvā gata so sugato gato va.
83. Manuññagandhena asuññagandho,  
Sugandhagandhena vilittagatto;  
Sugandhavātena suvijjitaṅgo,  
Hitvā gato so sugato gato va.
84. Sulakkhaṇe hevabhilakkhitaṅgo,  
Pasādhitō devapasāadhanena;  
Virocamāno samarājinihi,  
Hitvā gato so sugato gato va.
85. Nānāsanāni sayanāni nivesanāni,



Bhābhānibhāni ratanākarasannibhāni;  
Tatrussitāni ratanaddhajabhūsitāni,  
Hitvā va tāni himabindusamāni tāni.

86. Nānāvidhehi ratanehi samujjalehi,  
Nārīhi niccamupagāyitahammiyehe;  
Rajjehi cakkaratanādivibhūsitehi,  
Yāto tato hi mahito purisassarehi.

## Dvipādabyāsayamakagāthā

87. Yasodharaṃ pīṇapayodharādharmaṃ,  
Anaṅgaraṅgaddhajabhūtamaṅgaṃ;  
Devaccharāvujjalitaṃ patibbataṃ,  
Hitvā gato so sugato va nūna.
88. Sabhāvanicchandamatim pabhāvatim,  
Bhatta kuso saṃhari bhattakājaṃ;  
Tāyābhirūpaṃ pi yasodharaṃ varam,  
Hitvā gato so sugato va nūna.
89. Pure pure saṅcari khaggahattho,  
Varam paritthīnaṃ anitthigandho;  
Siriṅca riṅcāpi na riṅci nāriṃ,  
Hitvānimandāni gato tathāgato.
90. Harittaco rāgabalena deviyā,  
Avatthaliṅgena na liṅganussari;  
Asevi kāmaṃ tamidāni kāmaṃ,  
Hitvā gato so sugato va nūna.
91. Apameyyakappesu vivekasevī,  
Hitvā gato rajjasiriṃ varitthim;  
Aṇuṃ kalim vaṇṇayi taṃ purāṇaṃ,  
Vatthamhi chiddaṃ viya tunnakāro.
92. Tathāti mantvāna idāninaṅgo,  
Yasodharaṃ paggahito dhajaṃ va;  
Matto jitoṃhī ti pamattabandhu,  
Na passi ṅāṅāsanipātamantaraṃ.
93. Disvāna dukkhānalasambhavaṃbhavaṃ,  
Katvā taduppādakanaṅgabhaṅgaṃ;  
Yasodharaṃ pīṇapayodharādharmaṃ,  
Hitvā gato buddhabalappaḍaṃ padam.
94. Anantasattānamanantakāle,  
Manaṅgahetvāna jito anaṅgo;  
Parājito nūna hi ekakassa,  
Tathāgato so na punāgato va.
95. Disvāna ṅāṅāsanipātamantaraṃ,  
Tathāgato so na punāgato va;  
Tathāgato so na punāgato va,  
Disvānaṅāṅāsanipātamantaraṃ.

## Tipādabyāsayamakagāthā

96. Tathāgataccheramahosi tassa,  
Tathā himāropitadāhasantiṃ;  
Tathā hi māro pi tadāha santiṃ,  
Tathā hi māropi tadā hasantiṃ.

## Pādabyāsamahāyamakagāthā

97. Sakāmadātā vinayāmanatagū,  
Sakāmadātā vinayāmanantagū;  
Sakāmadātā vinayāmanantagū,  
Sakāmadātā vinayāmanantagū.

## Abyāpetādyantayamakagāthā

98. Raveraverorabhimārabherave,  
Raveraveriva bherave rave;  
Rave rave sūditagārave rave,  
Raveravedesi jinorave rave.

## Paṭilomayamakagāthā

99. Lokāyātatayā kālo visesaṃ na na saṃsevi,  
Visesaṃ na na saṃsevi lokā yātatayā kālo.  
100. Rājarājayasopetavisesaṃ racitaṃ mayā,  
Yāmataṃ ciraṣaṃsevitapeso yajarājarā.

## Ekathānikādiyamakagāthā

101. Ākaṅkhakkhākaṅkhaṅga kaṅkhāgaṅgākhāgahaka,  
Kaṅkhāgāhakakaṅkhāgha hā hā kaṅkhā kahaṃ kahaṃ.  
102. Appagabbho apagabbho amoho mā pamohako,  
Maggamukhaṃ mokhamāha mähā mohamūhakkhamaṃ.  
103. Pāpāpāpabhavaṃ passaṃ pāpāpābhavuggato,  
Pāpāpāpābhavāsaṅgā pāpāpābhavāgato.  
104. Kusalākusalaṃ passaṃ kusalākusalaṃ caji,  
Kusalākusalāsaṅga kusalākusalā cuto.

## Akkharuttarikayamakagāthā

105. Nonānino nanūnāni nanenāni nanānino,  
Nunnānenāni nūna na nānanaṃ nānanena no.  
106. Sāre surāsura sārī rasasārasarissaro,  
Rasasārarase sārī surāsurasarassire.  
107. Devānaṃ nandano devo devadeva na nandī no,  
Vedadīnena vedana vedi vedana vedīno.

108. Devāsane nisinno so devadevo sasāsane,  
Nisinnānaṃ sadevānaṃ desesi dassanāsaṇaṃ.

## Paheligāthā

109. Dasanāvagato sañño andhassa tamado ravi,  
Aṭṭhamāpuṇṇasaṅkappo pātvanaññamanaññiva.

## Byāpetādiyamakagāthā

110. Ekantameva sapatthaparo mahesi,  
Ekantameva dasapāramitābalena;  
Ekantameva hatamārabalena tena,  
Ekantameva suvisuddhamalatta bodhiṃ.

## Mahāpadhānadīpanīgāthā

111. Orohitotohitapāpadhammo,  
Channena sa channahayena gantvā;  
Anomatīramhi anomasatto,  
Anomapabbajjamupāgato so.
112. Nirāmiṣaṃ pītisukhaṃ anūpamaṃ,  
Anūpiye ambavane alattha;  
Sarūpasobhāya virūpasobhaṃ,  
Sarājikaṃ rājagahaṃ karittha.
113. Tato aḷāra ūdatāpasānaṃ,  
Jhānenasantuṭṭhamano vihāya;  
Mahāpadhānāya uruvelabhūmiṃ,  
Gato sikhappattamakāsi dukkaraṃ.
114. Na kāmato nevatidukkaramhi,  
Sabbaññutā sījhati majjhimāya;  
Ñatvāna taṃ pubbaguṇopaladdhaṃ,  
Dhammaṃ samānetumagā subodhiṃ.

## Māraparājayadīpanīgāthā

115. Tibuddhakhettamhi tisetachattaṃ,  
Laddhāna lokādhipatī bhaveyya;  
Gantvāna bodhimhiparājitasane,  
Yuddhāya mārenacalo nisīdi.
116. Datvāna maṃsaṃ rajjaṃ pitā suddhodano tadā,  
Namassamāno sirasā setachattena pūjayi.
118. Sayamaṃ nārāyanabalo abhiññābalapāragū,  
Jetuṃ sabbassa lokassa bodhimaṇḍamupāgami.
119. Tadā vasavattīrājā chakāmavacarissaro,  
Sasenāvāhano bodhimaṇḍaṃ yuddhāyupāgami.

120. Etha gaṅgatha bandhatha chaṭṭetha ceṭakaṃ imaṃ,  
Manussakalale jāto kimihanti na maññati.
121. Jalantaṃ navavidhaṃ vassaṃ vassāpeti anappakaṃ,  
Dhūmandhakāraṃ katvāna pātesi asinaṃ bahuṃ.
122. Cakkāvudhaṃ khipento pi nāsakkhi kiñci kātave,  
Gahetabbaṃ hi gahaṇaṃ apassanto itibravi.
123. Siddhattha kasmā āsi nu āsane mama santake,  
Uṭṭhehi āsanā no ce phālemi hadayaṃ tava.
124. Sapādamūle kīḷantaṃ passanto taruṇaṃ sutāṃ,  
Pitā vudikkhi taṃ māraṃ mettāyanto dayaparo.
125. Tadā so asambhivācaṃ sīhanādaṃ nadī muni,  
Na jānāti sayāṃ mayhaṃ dāsabhāvapiyaṃ khaḷo.
126. Yena kenaci kammaena jāto devapure vare,  
Sakaṃ gatiṃ ajānanto lokajetṭhoti maññati.
127. Anantalokakhātumhi sattānaṃ hi kataṃ subhaṃ,  
Mayhekapāramiyā pi kalaṃ nagghati soḷasiṃ.
128. Tiracchāno saso hutvā disvā yācakamāgataṃ,  
Pacitvāna sakaṃ maṃsaṃ patiioggimhi dātave.
129. Evaṃ anantakālesu kataṃ dukkarakārikaṃ,  
Ko hi nāma kareyyañño anummatto sacetano.
130. Evaṃ anantapuññehi siddhaṃ dehamimaṃ pana,  
Yathābhutaṃ ajānanto manussosī ti maññati.
131. Nāhaṃ manussomanusso na brahmā na ca devatā,  
Jarāmaraṇaṃ lokassa dassetuṃ panidhāgato.
132. Anupalitto lokena jātonantajino ahaṃ,  
Buddho bodhitale hutvā tāremi janataṃ bahuṃ.
133. Samantā dhajinaṃ disvā yuddhaṃ māraṃ savāhanaṃ,  
Yuddhāya paccugacchāmi mā maṃ ṭhānā acāvayī.
134. Yante taṃ nappasahati senaṃ loko sadevako,  
Tante paññāya gacchāmi āmaṃ pattāṃ va asmanā.
135. Icchanto sāsape gabbhe caṅkamāmi ito cito,  
Icchanto lokadhātumhi attabhāvena chādayī.
136. Ete sabbe gahetvāna cuṇṇetuṃ accharāyapi,  
Atthi thāmaṃ balaṃ mayhaṃ pāṇaghāto na vaṭṭati.
137. Imassa gaṇḍuppādassa āyudhena balena kiṃ,  
Mayhaṃ hi tena pāpena sallāpo pi na yujjati.
138. Pallaṅkaṃ mama bhāvāya kimatthaññena sakkhinā,  
Kampitā maddiyā dānā sakkhi hoti ayaṃ mahī.

139. Iti vatvā dakkhiṇaṃ bāhuṃ pathaviyā paṇamayi,  
Tadā kampittha pathavī mahāghoso ajāyatha.
140. Pathavīghosena ākāse gajjanto asani phali,  
Tasmiṃ majjhe gato māro saporiso bhayatajjito.
141. Mahāvātasamuddhatabhasmaṃ va vikiriyyatha,  
Mahāghoso ajāyittha siddhatassa jayo iti.

## Abhisambodhidīpanīgāthā

142. Purato gacchati cando rajatacakkmaṃ va ambare,  
Sahassaraṃsi suriyo pacchimenupagacchati.
143. Majjhe bodhidumacchatte pallaṅke apparājite,  
Pallaṅkena nisīditvā dhammaṃ sammasate muni.
144. Sakko tasmiṃ khaṇe saṅkhaṃ dhamanto abhidhāvati,  
Brahmā tiyojanaṃ chattaṃ dhāreti munimuddhani.
145. Maṇitālavaṇṭaṃ tusīto suyāmo vālabījanīṃ,  
Nānāmaṅgalabhaṇḍāni gahito sesadevatā.
146. Evaṃ dasasahassamhi sakko brahmā ca devatā,  
Saṅkhādīnī dhamantā ca cakkavāḷamhi pūrayuṃ.
147. Maṅgalāni gahetvāna tiṭṭhanti kāci devatā,  
Dhajamāla gahetvāna tathā puṇṇaghaṭṭādayo.
148. Tattha naccanti gāyanti seḷenti vādayanti ca,  
Devā dasasahassamhi tuṭṭhahaṭṭhā pamoditā.
149. Dhammāmatarasassādaṃ labhissāmassa santike,  
Nayanāmatarasassādaṃ pāṭihāriyañca passituṃ.
150. Jāramaraṇakantārā sokopāyāsasallato,  
Mocesi kāmapāsamhā desento amataṃ padaṃ.
151. Iti tuṭṭhehi devehi pūjijanto narāsabho,  
Kiñci pūjaṃ acintento cintento dhammamuttamaṃ.
152. Sabbatthasādhito santo siddhattho apparājito,  
Cakkavāḷasilāsāṇipākārehi manorame.
153. Tārāmaṇikhacitākāsavitāne candadīpake,  
Mānāratamapajjote mālāgandhādīpūjite.
154. Dibbehi chaṇabherīhi ghuṭṭhe maṅgalagītiyā,  
Cakkavāḷe suppāsāde bodhimaṇḍamahātale.
155. Bodhirukkhamāṇicchatte pallaṅke apparājite,  
Nissinno paṭhame yāme purimaṃ jātīmanussari.
156. Namarūpāmanuppatti sudiṭṭhā hoti tenidhā,  
Sakkātadiṭṭhi tenassa pahīnā hoti sabbaso.

157. Tato hi dutiye yāme yathāyammupage sari,  
Sudiṭṭhaṃ hoti tenassa kammakkelehi sambhavaṃ.
158. Kaṅkhāvitaraṇī nāma ñāṇantaṃ samupāgataṃ,  
Tenasesa pahiyittha kaṅkhā soḷasadhā ṭhitā.
159. Tato so tatiye yāme dvādasāṅge asesato,  
So paṭiccasamuppāde ñāṇamotārayī muni.
160. Avijjavādyānulomena jarādipaṭilomato,  
Sammāsanto yathābhūtaṃ ñāṇadassanamāgami.
161. Kappakoṭisatenāpi appameyyesu jātisu,  
Lobhaṃ asesadānena vināsento punappaṇaṃ.
162. Sīlena khantimettāya kokhadosaṃ nivāresi,  
Paññāya mohaṃ chetvāna micchādiṭṭhi tatheva ca.
163. Garūpasevanādīhi vicikicchaṃ vinodayaṃ,  
Mānuddhaccaṃ vinodento kule jetṭhopacāyīnā.
164. Nekkhammena vināsento kāmarāgaṃ punappaṇaṃ,  
Saccena viṣaṃvādaṃ kosajjaṃ vīriyena ca.
165. Evaṃ dānādīnā taṃ taṃ kilesaṅgaṃ vinodayaṃ,  
Suvaddhitā mahāpaññā kathaṃ santiṃ na rūhati.
166. Sudukkaraṃ karitvāna dānādipaccayaṃ pure,  
Na kiñci bhavasampattiṃ patthesi bodhimuttamaṃ.
167. Paṇidhānamhā paṭṭhāya kataṃ puññañca patthanam,  
Ekkattha dāni sampattiṃ deti bodhiṃ asaṃsayam.
168. Tato so sabbasaṅkhāre aniccadukkhanattato,  
Sammāsantonulomena nibbānaṃ samupāgami.
169. Savāsane kilese so jhāpentonumattaṃ pi ca,  
Arahattappattiyā suddho buddho bodhitale ahu.
170. Patto vimettiṃ varasetachattaṃ,  
So pītivegena udānudīrayi;  
Chetvāna māre vijitārisaṅgho,  
Tibuddhakhettekadivākaro ahu.
171. Rājādhirājā varamevamāsi,  
Tichattadhāri varadhammarājā;  
Mahāsahassaṃ pi ca lokadhātuṃ,  
Sarena viññāpayituṃ samattho.
172. Buddho lokāloke loke,  
Jāto satto konummatta;  
Suddhaṃ buddhaṃ oghā tiṇṇaṃ,  
Saddho pañño ko no vande.
173. Bhajitaṃ cajitaṃ pavanaṃ bhavanaṃ,  
Jahitaṃ gahitaṃ samalaṃ amalaṃ;

Sugataṃ agataṃ sugatiṃ agatiṃ,  
Namitaṃ amitaṃ namatiṃ sumatiṃ.

## Dhammacakkapavattanadīpanīgāthā

174. Sammāsambodhiñānaṃ hatasakalamalaṃ suddhato cātisuddhaṃ,  
Addhā laddhā suladdhaṃ vatamiti satataṃ cintayanto subodhiṃ;  
Sattāhaṃ sattamevaṃ vividhaphalasukhaṃ vitināmesi kālaṃ,  
Brahmenāyācito so isipatanavane vattayī dhammacakkaṃ.

## Pāṭihāriyadīpanīgāthā

175. Brahmassa saddaṃ karavīkabhāṇiṃ,  
Yathicchitaṃ sāvayituṃ samatthaṃ;  
Saccaṃ piyaṃ bhūtahitaṃ vadantaṃ,  
Na pūjaye ko hi naro sacetano.
176. Iddhi ca ādesanānusāsānī,  
Pāṭihāre bhagavā vasī ahu;  
Katvāna accherasupāṭihīraṃ,  
Desesi dhammaṃ anukampimaṃ pajaṃ.

## Navaguṇadīpanīgāthā

177. Evaṃ hi buddhattamupāgato so,  
Desesi dhammaṃ sanarāmarānaṃ;  
Nānāyehībhisamesi satte,  
Tasmā hi jhāto tibhavesu nātho.
178. Addhā laddhā dhammālokaṃ,  
Diṭṭhā pattā nātā saccaṃ;  
Tiññārāgādosamohā,  
Thomesuṃ te devā brahmā.
179. Munirājavaro nararājavaro,  
Dividevavaro sucibrahmavaro;  
Sakapāpaharo parapāpaharo,  
Sakavuḍḍhikaro paravuḍḍhikaro.
180. Sanarāmarubrahmagāṇebhi rutā,  
Arahādiguṇā vipulā vimalā;  
Navadhā vasudhāgagāṇe,  
Sakale tidive tibhave visaṭā.
181. Ye pissa te bhagavato ca acintiyādī,  
Suddhātisuddhatarabuddhaguṇā hi sabbe;  
Saṅkhepato navavidhesu padesu khittā,  
Vakkhāmi dāni arahādiguṇe ahaṃ pi.
182. Yo cīdha jāto arahaṃ nirāso,  
Sammābhisambuddhasamantacakkhu;  
Sampannavijjācaraṇoghatiṇṇo,  
Sammāgato so sugato gato va.

183. Avedi so lokamimaṃ parañca,  
Amuttaro sārathidammasatte;  
Sadevakānaṃ varasatthukiccaṃ,  
Akāsi buddho bhagavā visuddho.

## Guṇadīpanīgāthā

184. Na tassa adiṭṭhanamidhatthi kiñci,  
Ato aviññātamajānitabbaṃ;  
Sabbam abhiññāsi yadatthi ñeyyaṃ,  
Tathāgato tena samantacakkhu.
185. Iti mahitamanantākittisambhārasāraṃ,  
Sakaladasasahassīlokadhātumhi niccaṃ;  
Upacitasubhahetupayutānantakālaṃ,  
Tadiha sugatabodhisādhukaṃ cintanīyaṃ;
186. Takkabyākaraṇaṃ dhammavinayaṃ sutvā pi yo paññavā,  
Tenāyaṃ sucisārabhūtavacanaṃ viññāyate kevalaṃ;  
Hetuñcāpi phalena tena saphalaṃ sampassamāno tato bodhiṃ saddahateva tassa  
mahatāvāyamato sambhavaṃ.
187. Yo saddahanto pana tassa bodhiṃ,  
Vuttānusārena guṇerahādī;  
Katheti cintenti ca so muhuttaṃ,  
Ohāya pāpāni upeti santiṃ.
188. Saddheyyā te cinteyyā te,  
Vandeyyā te pūjeyyāte;  
Buddholokāloke loke,  
Jāte netam patthentena.

## Pūjānidhānadīpanīgāthā

189. Tasamā hi jāto varakamhi tassa,  
Āyattake maṅgalacakkavāle;  
Bhūtehi vatthūhi manoramehi,  
Pūjemi taṃ pūjītpūjitaṃ pure.
190. Sohaṃ ajja panetasmim cakkavālamhi pupphite,  
Thalaje jalaje vāpi sugandhe ca agandhake.
191. Manusse anekattha taḷākuyyānavāpīsu,  
Pavane himavantasmim tattha satta mahāsare.
192. Parittadīpe dvisahassee mahādīpe supupphite,  
Sattaparibhaṇḍaselesu sinerupabbatuttame.
193. Kumuduppalakādīni nāgānaṃ bhavanesupī,  
Pāṭalādīni pupphāni asurānaṃ hi ālaye.
194. Koviḷārādīkāni tu devatānaṃ hi ālaye,  
Evamādī anekattha pupphite dharaṇīruhe.



195. Campakā salalā nimbā nāgapunnāgaketakā,  
Vassikā mallikā sālā koviḷārā ca pāṭali.
196. Indīvarā asokā ca kaṇikārā ca makulā,  
Padumā puṇḍarikā ca sogandhikumuduppalā.
197. Ete caññe ca rukkhā ca valliyo cāpi pupphitā,  
Sugandhā sukhasamphassā nānāvaṇṇanibhā subhā.
198. Victrā nīlānekāni pītā lohitakāni ca,  
Kālā setā ca mañjaṭṭha nekavaṇṇā supupphitā.
199. Sobhate pabbate heṭṭhā sarehi vanarājīhi,  
Sandamānāhi gaṅgāhi himavā ratanākaro.
200. Pattakiṅjakkhareṇūhi okiṇṇaṃ hoti taṃ vanaṃ,  
Bhamarā pupphgandhehi samantā abhināditā.
201. Athetta sakuṇā santi dijā mañjussarā subhā,  
Kūjantamupakūjanti utusampupphite dume.
202. Niccharānaṃ nipātena pabbatā abhināditā,  
Pañcaṅgikāni tūriyāni dibbāni viya suyyare.
203. Tattha naccanti tasmim̐ jalantaggisikhūpamā,  
Tasmim̐ hi kinnarā kiccaṃ padīpena karīyati.
205. Muttājālāva dissanti niccharānaṃ hi pātakā,  
Pajjalantā va tiṭṭhanti maṇiveḷuriyādayo.
206. Kālānusāri taggaraṃ kappūraṃ haricandanaṃ,  
Sakuṇānaṃ hi saddena mayūrānaṃ hi kekayā.
207. Bhamarānaṃ hi ninnādā koñcanādena hatthinaṃ,  
Vijambhitena vālānaṃ kinnarānaṃ hi gītiyā;
208. Pabbatānaṃ hi obhāsā maṇīnaṃ jotiyāpi ca,  
Vicitrabbhavitānehi dumānaṃ pupphadhūpiyā;  
Evaṃ sabbaṅgasampannaṃ kiṃ siyā nandanaṃ vanaṃ.
209. Evaṃ susamphullavanaṃ hi yaṃ yaṃ,  
Tahiṃ tahiṃ pupphitapupphitaṃ subhaṃ;  
Mālaṃ susaddaṅca manuññagandhaṃ,  
Pūjemi taṃ pūjitaṃ purā.
210. Nāgaloke manusse ca deve brahme ca yaṃ siyā,  
Sāmuddikaṃ bhūmigataṃ ākāsaṭṭhaṅca yaṃ dhammaṃ.
211. Rajataṃ jātarūpaṅca muttā veḷuriyā maṇi,  
Masāragallaṃ phalikaṃ lohitaṅgaṃ pavāḷakaṃ.
212. Yo so anantakappesu pūretvā dasapāramī,  
Buddho bodhesi sattānaṃ tassa pūjemi taṃ dhanam̐.
213. Khomaṃ koseyyaṃ kappāsaṃ sāṇaṃ bhaṅgaṅca kambalaṃ,  
Dukūlāni ca dibbāni dussāni vividhāni te.

214. Anantavatthadānena hirottappādisaṃvaram,  
Yassa siddhaṃ siyā tassa dussāni pujayāmaham.
215. Pavane jātarukkhānaṃ nānāphalarasuttamaṃ,  
Ambā kapiṭṭhā pansā cocamocādinappakā.
216. Tasmim gandharasaṃ ojaṃ buddhaseṭṭhassa pūjitaṃ,  
Vandāmi sirasā niccaṃ vipasannena cetasā.
217. Pūjemi paṭhamam tassa paṇidhānaṃ acintiyam,  
Cakkavālamhi sabbehi vijjamānehi vatthuhi.
218. Dasannaṃ pāramīnantu pūritaṭṭhānamuttamaṃ,  
Tato sālavane ramme jātaṭṭhānaṃ carimakam.
219. Chabbasāni padhānasmim karaṇam dukkarakārikam,  
Apparājitaṭṭhānaṃ buddham buddhaguṇam name.
220. Cuddasa buddhañāṇāni aṭṭharsa āveṇikam,  
Pūjemi dasabalañāṇam catuvesārajjamuttamaṃ.
221. Āsayānusayañāṇam indriyānaṃ paroparam,  
Yamakapāṭihiraṇca ñāṇam sabbaññutam pi ca.
222. Mahākaruṇāpattiñāṇam anāvaraṇmiti ca,  
Cha asādhāraṇānete ṇatvāna pujayāmaham.
223. Tato ca sattasattāhe dhammasammasitam name,  
Brahmunā yācītaṭṭhānaṃ dhammam desayitum varam.
224. Isipatane migadāye dhammacakkapavattanaṃ,  
Tato veḷuvanārāme vasitaṭṭhānaṃca pūjaye.
225. Tato jetavanaṃ rammaṃ ciravutthaṃ mahesinā,  
Asādhāraṇamaññesaṃ yamakapāṭihariyam.
226. Pāricchattakamūlamhi abhidhammaṇca desanaṃ,  
Saṅkassanagaradvāre devorohaṇakam pi ca.
227. Tato ca himavantasmim mahāsamayadesanaṃ,  
Vuttānetāni ṭhānāni natvāna pujayāmaham.
228. Caturāsītisahassehi dhammakkhandhehi saṅgham,  
Piṭakattayam yathāvuttavidhinā pūjayāmaham.
229. Mārassa attano āyusaṅkhārosajjanaṃ name,  
Kusinārāya mallānaṃ yamakasālamantare.
230. Paṇidhānamhi paṭṭhāya kataṃ kiccaṃ asesato,  
Niṭṭhapetvāna so sabbam parinibbāyināsavo.
231. Evaṃ nibbāyamānassa katakiccassa tādino,  
Ciragatā mahākaruṇā na nibbāyittha kiñcipi.
232. Svāyam dhammo vinayo ca desito sādhuṇam mayā,  
Mamaccayena so sathā dhātu cāpi sarīrajā.

233. Apparājītapallaṅkaṃ bodhirukkhañca uttamaṃ,  
Mamaccayena satthā ti anujāni mahāmuni.
234. Mama ṭhane ṭhapetvāna dhātubodhiñca pūjitaṃ,  
Anujānāmi tumhākaṃ sādhanatthaṃ sivañjasamaṃ.
235. Tasmā hi tassa saddhammaṃ uggaṇhitvā yathātathaṃ,  
Yo deseti sambuddho ti natvāna pūjayāmaṃ.
236. Tasmā sāsapamattaṃ pi jinadhātuṃ asesiya,  
Vitthinnacakkavāḷamhi natvāna pūjayāmaṃ.
237. Paramparābhatānaṃ hi imamahā boddhirukkhatō,  
Sabbesaṃ bodhirukkhaṇaṃ natvāna pūjayāmaṃ.
238. Yaṃ yaṃ paribhuñji bhagavā pattacīvaramādikaṃ,  
Sabbamaṃ paribhogadhātuṃ natvāna pūjayāmaṃ.
239. Yattha katthaci sayito āsinno caṅkamepi vā,  
Pādalañchankaṃ katvā ṭhito natvāna pūjaye.
240. Na sañjānanti ye buddhaṃ evarūpo ti ñātve,  
Kataṃ taṃ paṭimaṃ sabbaṃ natvāna pūjayāmaṃ.
241. Evaṃ buddhañca dhammañca saṅghañca anuttaraṃ,  
Cakkavāḷamhi sabbehi vatthūhi pūjayāmaṃ.

## Patthanādīpanīgāthā

242. Asmiṃ ca pubbepi ca attabhāve,  
Sabbhehi puññehi mayā katehi;  
Pūjāvidhānehi ca saññamehi,  
Bhave bhava pemaniyo bhaveyyaṃ.
243. Saddhā hirottappabahussutattaṃ,  
Parakkamo ceva satissamādhi;  
Nibbedhabhāgī vajirūpamāti,  
Paññā ca me sijjhatu yāva bodhiṃ.
244. Rāgañca dosañca pahāya mohamaṃ,  
Diṭṭhiñca mānaṃ vicikicchitañca;  
Macchereissāmalavippahīno,  
Anuddhato accapalo bhaveyyaṃ.
245. Bhaveyyamaṃ kenaci nappaseyho,  
Bhogo ca dinnehi paṭehi;  
Bhogo ca kāyo ca mamesa laddho,  
Parūpakārāya bhaveyyaṃ nūna.
246. Dhammenā mālāpitaro bhareyyaṃ,  
Vuḍḍhapacāyī ca bahūpakārī;  
Ñātīsu mittesu sapattakesu,  
Vuḍḍhiṃ kareyyaṃ hitamattano ca.
247. Metteyanāthaṃ upasaṅkamitvā,

Tassattabhāvaṃ abhipūjayitvā;  
Laddhāna veyyākaraṇaṃ anūnaṃ,  
Buddho ayaṃ hessatināgatesu.

- 248.** Lokena kenāpi anupalitto,  
Dāne rato sīlaguṇe susāṇṭhito;  
Nekkhammabhāgi varaṇāṇalābhī,  
Bhaveyyahaṃ thāmabalupapanno.
- 249.** Sīsaṃ samaṃsamaṃ mama hatthapāde,  
Saṃchinadamānēpi kareyyakhantiṃ;  
Sacce ṭhito kālumadhiṭṭhite va,  
Mettāyupekkhāya yuto bhaveyyaṃ.
- 250.** Mahāpariccāgaṃ katvā pañca,  
Sambodhimaggaṃ avirādhayanto;  
Chetvā kilese citapañcamāro,  
Buddho bhavissāmi anāgatesu.